



Općina Stari Grad Sarajevo
Općinski Načelnik

Municipality of Stari Grad Sarajevo
Municipality Mayor

Na osnovu odredbi člana 15. Zakona o principima lokalne samouprave Federacije Bosne i Hercegovine ("Službene novine Federacije Bosne i Hercegovine" broj: 49/06 i 51/09), člana 14a. Odluke o uslovima i postupku prihvatanja sticanja statusa udruženja i fondacija od posebnog značaja za Općinu Stari Grad Sarajevo i projekata od posebnog značaja za Općinu Stari Grad Sarajevo („Službene novine Kantona Sarajevo“, broj: 10/24 i 1/25), Općinski načelnik Općine Stari Grad Sarajevo, raspisuje

JAVNI POZIV
za dodjelu finansijskih sredstava iz Budžeta Općine za
finansiranje udruženja i fondacija od posebnog značaja za Općinu Stari Grad Sarajevo u
toku 2025. godine

I - PREDMET JAVNOG POZIVA

Predmet ovog Javnog poziva jeste dodjela finansijskih sredstava iz Budžeta Općine za finansiranje udruženja i fondacija od posebnog značaja za Općinu Stari Grad Sarajevo, shodno odredbama Odluke o uslovima i postupku prihvatanja sticanja statusa udruženja i fondacija od posebnog značaja za Općinu Stari Grad Sarajevo i projekata od posebnog značaja za Općinu Stari Grad Sarajevo („Službene novine Kantona Sarajevo“, broj: 10/24 i 1/25).

U skladu sa navedenom Odlukom, javni poziv se odnosi na neprofitne organizacije koje ispunjavaju opće i posebne uvjete propisane članom 4. i 5. citirane Odluke. Shodno navedenom, Općinski načelnik je donio Odluku o pokretanju postupka za objavljivanje Javnog poziva za dodjelu finansijskih sredstava za projekte udruženja i fondacija od posebnog značaja za Općinu Stari Grad Sarajevo broj: 01-04-4-287/25 od 04.02.2025. godine, kojom se utvrđuje ukupan iznos sredstava planiran u navedenu svrhu za tekuću godinu, te koja sadrži i druge podatke u skladu sa Smjernicama o minimalnim standardima dodjele budžetskih sredstava putem transfera i subvencija u Federaciji Bosne i Hercegovine ("Službene novine Federacije BiH", broj 37/24).

II - OPĆI KRITERIJI

Opći kriterij shodno odredbama Odluke o uslovima i postupku prihvatanja sticanja statusa udruženja i fondacija od posebnog značaja za Općinu Stari Grad Sarajevo i projekata od posebnog značaja za Općinu Stari Grad Sarajevo („Službene novine Kantona Sarajevo“, broj: 10/24 i 1/25) je da je Općinsko vijeće donijelo Odluku o sticanju statusa udruženja ili fondacije od posebnog značaja.

III – POSEBNI KRITERIJI

Komisija koju posebim Rješenjem imenuje Općinski načelnik, posebnim Uputstvom utvrđuje:

- kvalitet prijave;
- organizacione i finansijske kapacitete podnosioca prijave;
- dosadašnje iskustvo podnosioca prijave;
- procenat vlastitog učešća u realizaciji aktivnosti čije se sufinansiranje traži putem javnog poziva;
- kvalitet planiranih aktivnosti i metode provođenja u radu udruženja ili fondacije.



IV – DOKUMENTACIJA KOJOM SE DOKAZUJE ISPUNJENOST OPĆIH I POSEBNIH KRITERIJA IZ TAČKE II I III OVOG JAVNOG POZIVA

Uz popunjenu aplikaciju, koja je sastavni dio Javnog poziva, za prijavu na isti, aplikant je obavezan dostaviti sljedeću dokumentaciju:

- Kopiju statuta/osnivačkog akta udruženja/fondacije;
- Opis poslova i rada udruženja/fondacije za čiji se rad sufinansiranje traži;
- Rješenje o registraciji;
- Uvjerenje o poreskoj registraciji – identifikacioni broj;
- Izvještaj o urednom finansijskom poslovanju (bilans stanja, bilans uspjeha i narativni izvještaj za prethodnu godinu);
- Dokaz da se protiv podnosioca prijave, odnosno lica ovlaštenih za zastupanje, ne vodi krivični postupak i da nije pravosnažno osuđen za prekršaj ili počinjenje krivičnog djela. Dokaz se dobiva putem službene potvrde nadležnog suda, koja mora biti ovjerena od strane nadležnog organa. Potvrda ne smije biti starija od 30 dana od dana podnošenja prijave;
- Dokaz o urednom pravdanju sredstava dodijeljenih u prethodnim godinama iz Budžeta Općine (ukoliko su sredstva bila dodijeljena). U slučaju da sredstva iz Budžeta Općine ranije nisu dodijeljena, potrebno je dostaviti ovjerenu izjavu da sredstva nisu dodijeljena. Izjava mora biti ovjerena od strane nadležnog organa;
- Uvjerenje nadležne Porezne uprave o izmirenim obavezama prema javnim prihodima (original ili ovjerena kopija ne starija od 30 dana od dana podnošenja prijave).

V - PRIJAVA NA JAVNI POZIV

Prijavu na javni poziv mogu podnijeti udruženja i fondacije koje ispunjavaju uslove iz tačke II i III ovog Javnog poziva.

VI - NAČIN PRIJAVE I ROK ZA PODNOŠENJE PRIJAVE

Ovaj Javni poziv se objavljuje u jednom dnevnom listu ili na web stranici Općine Stari Grad Sarajevo. **Javni poziv ostaje otvoren do 15.12.2025. godine.**

Prijava se podnosi poštom preporučeno ili putem službenog protokola Općine Stari Grad Sarajevo u zatvorenoj koverti na adresu:

**Općina Stari Grad Sarajevo
Zelenih beretki broj 4, sa naznakom
JAVNI POZIV
za dodjelu finansijskih sredstava iz Budžeta Općine za**

**finansiranje udruženja i fondacija od posebnog značaja za Općinu Stari Grad Sarajevo u toku 2025. godine
NE OTVARATI!**

Aplikacije uz koje nije dostavljena obavezna dokumentacija iz tačke IV ovog Javnog poziva, Komisija odbacuje kao da nisu ni podnesene i o istom obavještava aplikanta pismenim putem, posredstvom Službe za lokalni razvoj.

Ispunjen obrazac prijave (s kompletnom zahtjevanom dokumentacijom) se mora dostaviti u dva (2) primjerka (original i vjerodostojna kopija originala).

SVE FOTOKOPIJE DOKUMENATA TREBAJU BITI OVJERENE.

NEPOTPUNE I NEBLAGOVREMENE PRIJAVE NEĆE BITI RAZMATRANE.

OPĆINA STARI GRAD SARAJEVO ZADRŽAVA PRAVO DA NE DODIJELI SVA DOSTUPNA FINANSIJSKA SREDSTVA.

VII - REZULTATI JAVNOG POZIVA I POTPISIVANJE UGOVORA

Općinski načelnik imenuje Komisiju za postupanje po aplikacijama na Javni poziv za sufinansiranje rada udruženja i fondacije od posebnog značaja za Općinu Stari Grad Sarajevo

Komisija ima zadatak da svaki mjesec napravi presjek svih pristiglih aplikacija, tako da:

- Pregleda sve aplikacije sa dostavljenom dokumentacijom i opisom manifestacije, događaja ili projekta;

- Aplikacije uz koje nije dostavljena obavezna dokumentacija predviđena ovim Javnim pozivom, odbacuje kao da nisu ni podnesene i o istom obavještava aplikanta pismenim putem;

- Aplikacije koje ispunjavaju opće i posebne kriterije utvrđene ovim Javnim pozivom dostavlja Općinskom načelniku na dalje postupanje uz preporuku da li da odobri dodjeljivanje sredstava, uz obavezu ostvarivanja najmanje 60% od ukupnog broja bodova, uz prijedlog iznosa sredstava koja su opravdana za dodjelu shodno ukupnom broju bodova aplikacije.

Prilikom sačinjavanja preporuke, Komisija će obavezno uzeti u obzir, te bodovati sljedeće elemente bodovima od 1 do 5, koje će dodatno razraditi obrascem za bodovanje, shodno Smjernicama o minimalnim standardima dodjele proračunskih sredstava putem transfera i subvencija u Federaciji Bosne i Hercegovine ("Službene novine Federacije BiH", broj 37/24), a što Komisija utvrđuje posebnim Uputstvom:

- kvalitet prijave;
- organizacione i finansijske kapacitete podnosioca prijave;
- dosadašnje iskustvo podnosioca prijave;
- procenat vlastitog učešća u realizaciji aktivnosti čije se sufinansiranje traži putem javnog poziva;

- kvalitet planiranih aktivnosti i metode provođenja u radu udruženja ili fondacije.

OPĆINSKI NAČELNIK

Irfan Čengić

Broj: 01-04-4-288/25

Datum: 04.02.2025. godine